

Bosna i Hercegovina
Federacija Bosne i Hercegovine
Bosansko-podrinjski kanton Goražde
**ZAVOD ZDRAVSTVENOG OSIGURANJA BOSANSKO-PODRINJSKOG KANTONA
GORAŽDE**

Broj:01-11-37-6/22
Goražde, 21.03.2022.godine

Na osnovu člana 69. stav 2. točka d) i člana 70. Zakona o javnim nabavkama („Službeni glasnik BiH“ br. 39/14), Direktor Zavoda zdravstvenog osiguranja Bosansko-podrinjskog kantona Goražde donosi s l i j e d e ć u

O D L U K U
o poništenju postupka javne nabavke

I

Poništava se postupak javne nabavke usluga radiološke dijagnostike- magnetna rezonanca, za potrebe osiguranika Zavoda zdravstvenog osiguranja Bosansko-podrinjskog kantona Goražde.

II

Odluka o poništenju postupka javne nabavke bit će objavljena na Internet stranici Zavoda zdravstvenog osiguranja Bosansko-podrinjskog kantona Goražde-www.zzobpk.ba i to istovremeno s upućivanjem odluka ponuđačima koji su učestvovali u postupku javne nabavke u skladu sa članom 70. stav 6. Zakona o javnim nabavkama („Sl.glasnik BiH“ br. 39/14).

III

Ova odluka stupa na snagu danom donošenja.

O b r a z l o ž e n j e

U skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama i člana 27. Statuta Ugovornog objavljen je Javni poziv za dostavu ponuda broj: 01-11-37/22 od 05.01.2022.godine.

Javni poziv je objavljen putem Web stranice Zavoda zdravstvenog osiguranja Bosansko-podrinjskog kantona Goražde, te su pristigle ponude i to:

- PZU Poliklinika Altamedica Beta Sarajevo
- PZU poliklinika Vitalis Mostar
- PZU poliklinika Eurofarm Sarajevo

Rok za dostavljanje ponuda je bio 07.02.2022.godine do 11:00 časova.
Procjenjena vrijednost javne nabavke iznosi 138.000,00 KM bez PDV-a.

Komisija za javne nabavke Ugovornog organa, koja je nadležna za postupke javnih nabavki, nakon prijema tri blagovremeno pristigle ponude je održala sjednicu o razmatranju pristiglih ponuda za

nabavku usluga radiološke dijagnostike-magnetna rezonanca i sačinila zapisnik o pregledu i ocjeni ponuda broj: 01-11-37-1/22 dana 24.02.2022.godine koji je dostavila rukovodiocu Ugovornog organa, nakon čega je Ugovorni organ donio odluku broj: 04-11-37-3/22 o izboru najpovoljnijeg ponuđača dana 25.02.2022.godine.

Na sjednici komisije konstatovano je da je PZU Poliklinika „Vitalis“ Mostar je u svojoj ponudi broj: 01-32/22 od 28.01.2022.godine dostavio potpune i uredne dokaze lične, tehničke i profesionalne sposobnosti te uredno popunjene obrasce i izjave. Dostavljeni dokaz tehničke i profesionalne sposobnosti je potpun i ispunjava uslove i zahtjeve utvrđene u pozivu za dostavu ponuda Pregledom i ocjenom Komisije utvrđeno je da dostavljena ponuda za uslugu radiološke dijagnostike od strane Poliklinike „Vitalis“ Mostar iznosi 119.400, 00 KM.

Ponuda PZU Poliklinika „Eurofarm Centar“ Sarajevo je nepotpuna.

Komisija je u postupku provođenja postupka javne nabavke utvrdila da je ponuda ponuđača PZU „Altamedica Beta“ Sarajevo kao najpovoljnija sa ponuđenom cijenom od 114.000,00 KM bez PDV-a.

Komisija je dana 15.02.2022.godine dostavila rukovodiocu organa zapisnik o pregledu i ocjeni i koji ujedno predstavlja Izvještaj o radu Komisije te preporuku o izboru najpovoljnijeg ponuđača, na osnovu čega je Ugovorni organ Zavod zdravstvenog osiguranja Bosansko-podrinjskog kantona Goražde donio Odluku broj: 04-11-37-3/22 od 25.02.2022.godine.

Zavod zdravstvenog osiguranja Bosansko-podrinjskog kantona Goražde u postupku javne nabavke usluga radiološke dijagnostike-magnetna rezonanca, provedene pozivom za dostavu ponude broj: 01-11-37/22 od 05.01.2022.godine putem Web stranice Ugovornog, je dana 14.03.2022.godine zaprimio Žalbu Zdravstvene specijalističke ustanove Poliklinika „Vitalis“ Mostar zbog pogrešno i nepotpuno utvrđenog činjeničnog stanja, pogrešne primjene materijalnog prava, bitnih povreda odredaba Zakona o javnim nabavkama i Zakona o upravnom postupku.

Uvidom u zapisnik Komisije za javne nabavke o pregledu i ocjeni ponuda broj: 01-11-37-1/22 od 24.02.2022. godine nesporno je da Komisija postupila suprotno članu 9. 10. **PRAVILNIK O POSTUPKU DODJELE UGOVORA O USLUGAMA IZ ANEKSA II. DIO B ZAKONA O JAVNIM NABAVKAMA**(„ Službeni glasnik BiH,“ broj 66/16), da odluka o izboru najpovoljnijeg ponuđača za nabavku usluga nije donesena nakon okončanja pregovora.

Obzirom na navedeno odlučeno je kao u dispozitivu Ove Odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi BiH u roku od 10 dana od dana prijema ove Odluke, putem ovog Ugovornog organa. Žalba se podnosi u 3 primjerka.

Dostavljeno:

- Svim ponuđačima
- Dokumentacija Komisije
- a/a

